




Te Avae Febuare 1961

TE HEHEURAA API

Te Heheuraa Api

E ITE ĪA OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE MISIONI POLINESIA FARANI
NO
TE EKALESIA A IESU MESIA I TE FEIA MO'A
I TE MAU MAHANA HOPEA NEI

FEBUARE

1961

	Upoo Parau	Api
Te Hobo'a i nia ite Tapoi Ve'a:	Te Parau Apî	24
	La Page du Président	25
I roto i teie hohoa	Te Parau a te Peresideni Misioni . . .	26
te ite nei tatou i	Te Parau a te Peropheta	27
te pūpū himene	Na To Te Autahu'araa	31
tuiroro no te Fare	Te A'oraa Na Ioane Lonadena	36
Meueme, i nia	Te Revaraa o Tihoti Orometua . . .	39
te hoê tahua hau-	Te Mau Oro'a I Ravehia	40
tiraa i faatiabia i	Lettre Aux Auxiliaires	41
mua i te hoê	E Rata Na Te Pūpū	42
mato rahi i roto i	Na Te Feia Apî	43
te medebara. Te	Te Tere Amuiraa I Takaroa	49
vai nei e 375	Tarif Des Abonnements	Moni No Te
taata i roto i teie	Pour Un An:	Matahiti Hoê:
nei pūpū himene,	100 francs Pacifiques	20 Tara
o te rave nei i teie	Na Taata Faatere:	Imprimeur:
ohipa rahi ma te	Surveillant:	Pou Moo
hinaaro man e te	Kendall W. Young	Assistant:
oaoa e ma te mo-	Assistant: Jerry L. Curtis	Eugène Wong
ni ore.		

Te Tere O Te Mau Mama Ruau I Orofara



Ua haere te pūpū tuahine o te Amaa Tahiti no Papeete i Orofara, i te 22 no Ditema, no te faanaanatae atu i te mau feia tei roohia i te ma'i oovi.

Ua himene atu ratou i te tahi mau himene pureraa e te tahi mau

himene tarava. E ua faaite atoa'tu te pūpū mama ruau i to ratou aravihi no nia i te peu arearea no te aparima, e ua himene atoa te mau orometua i te tahi mau himene Noela na ratou.


Ua horoa atoa'tu taua pūpū tuahine nei i te tahi mau maa rii amuaumu na te mau feia ma'i e parahi ra i Orofara.

E no taua mau haamauruururaa o tei horoahia na ratou ra, ua faaite atoa mai ia ratou i to ratou mauruuru rahi no te mau ohipa tei ravehia i taua mahana ra.

Teie nei pūpū o tei tui to'na roo no te mau ohipa maitai ta ratou e rave nei, taua pūpū mama ruau nei, no roto mai ia i te pūpū tuahine no te amaa Tahiti o Papeete. E no reira, a faaitoito atoa outou e te mau pūpū tuahine no te mau amaa atoa ia tae atoa to outou roo mai to teie nei mau mama ruau. E no reira, a rohi e a faaitoito i te raveraa i te ohipa a te Fatu.

Ia haamaitai mai te Atua ia outou,

Thérèse Orometua



La Page Du President De La Mission

Si, par un effet du hasard, vous entriez dans le salon du Prophète David O. McKay, ou de n'importe quelle autre haute autorité générale de l'Eglise, vous trouveriez qu'ils ont tous beaucoup de livres, de journaux et d'autre littérature qu'ils sont en train d'étudier. Nous ne sommes jamais trop vieux pour étudier et apprendre et nous ne sommes aussi jamais trop jeunes pour apprendre.

Ici, dans la Mission de la Polynésie Française, nous ne sommes pas en possession de beaucoup de livres à étudier; surtout dans la langue Tahitienne. Mais nous en avons quand même assez pour pouvoir bien nous instruire dans les vérités de l'Evangile. Vous qui ne lisez que le tahitien, et pas le français, étudiez bien tous les livres que l'Eglise peut vous fournir, parce que l'Evangile s'y trouve.

Pour ceux qui lisent le français le champ est plus vaste et plus riche. Nous avons davantage de livres, et de leçons en français pour nous instruire. Nous devons les lire, et surtout les relire, pour nous fortifier davantage dans l'Evangile. Si le Saint-Esprit doit nous rappeler toutes choses, il faut d'abord que nous étudions beaucoup de façon qu'il ait quelque chose à nous rappeler.

Nous espérons pouvoir, avant très longtemps, vous offrir des cours de français dans beaucoup de nos Branches afin de vous aider à pouvoir lire et étendre, par ce moyen, votre connaissance de l'Evangile.

Rappelons-nous bien les paroles du Prophète Joseph Smith lorsqu'il a dit: "La gloire de Dieu, c'est l'intelligence."

Travaillons tous, avec entrain, pour cette gloire en agrandissant notre intelligence.

Te Parau A Te Peresideni Misioni

Ahiri outou e tomo noa'tu i roto i te piha faariiraa a to tatou Peropheta ra o Davida O. Make, e a ore ra, o te tahi noa'tu o te mau Feia Faatere Rahi o te Ekalesia, e ite ia outou e, ua rahi ta ratou mau buka, mau ve'a, e te tahi atu â mau papairaa o ta ratou e hi'opoa haere nei. Aita â tatou i ruau roa no te ore e haapii faahou, e aita hoi tatou i navai i to tatou apîraa no te ore hoi e haapii atoa.

I onei, i roto i te Misioni no Polinesia Farani, ua huru veve rii tatou i te mau buka te tia ia tai'ohia, e tei hau roa'tu, i te mau buka i roto i te reo Tahiti. Area ra ua navai maite ta tatou mau buka no te haapiiraa, ia tatou iho, i nia i te mau parau mau atoa o te Evanelia. O outou o te ore e tai'o nei i te reo Farani, e o te tai'o noa i te reo Tahiti, a faaitoito maite i te haapiiraa i te mau parau i papaihia i roto i te mau ve'a e te mau buka tei horoahia'tu, no outou, e te Ekalesia nei, no te mea, tei roto ia ratou te Evanelia i te vairaa.

No ratou râ o te tai'o i te reo Farani, ua rahi atu e ua faufaa rahi atu te aua faapu ra. Ua rahi atu ia ta tatou mau buka, e ta tatou haapiiraa i roto i te reo Farani. No reira ia tai'o ihoa tatou i te reira, e tei hau roa'tu ra, ia tai'o faahou atu â tatou i te reira no te faaitoito roa ia tatou i roto i te Evanelia nei. Mai te mea e ohipa na te Varua Maitai i te faa haamana'o mai ia tatou i te mau mea atoa ra, e mea tia roa ia ia haapii maitai tatou ia navai te mau mea te tia Ia'ua ia faa haamana'o mai.

Te mana'o nei matou, i roto i te mau tau e haere mai nei, i te faatupu i te tahi mau haapiiraa reo Farani i roto i te tahi o to tatou mau amaa, no te tautururaa'tu ia outou i te haroaroa maitai e i te faarahi i to outou iteraa i te Evanelia.

A haamana'o maitai tatou i te mau paran a te Peropheta ra, o Iosepha Semita, a parau mai ai oia e: "O te hanahana o te Atua ra, o te ite ia."

A rave itoito ana'e i te ohipa ia noaa mai te reira hanahana na roto i te faarahiraa i to tatou nei iteraa.

Te Parau A Te Peropheta



Te Momo'araa E Te Faaipoiporaa

Na roto i te momo'araa e te faai-poiporaa e tia ia tatou ia faa huru ê e ia faatere hoi, i roto i te hoê faito huru rahi, te mau taata i fatata ia tatou. No reira, i roto i te reira huru, e mea tia roa ia maitihia te hoa faaipoipo na roto i te paari mau e te paieti hoi. Na te maitiraa i te hoê hoa faaipoipo, e faataa i to tatou oaoa, e a ore ra,

te ati no te mau tau i mua ra. No reira, o te hoê huru ia o te paari mau i te amui-noa-raa i rotopu i te mau taata ei reira oe e maiti ai i te hoê hoa amui tahi tei au maitai roa hia e outou.

Mai te mea, i roto i te reira hoa-noa-raa e ite hia ia outou, i roto i te taata tei au hia, te tahi mau tufaa au ore ra, a tamata ia ia riro to outou ferniraa ei mea puai a'e i to outou ra mafatu. Eiaha outou e haavare, ia outou iho, i te mana'o e, na roto i te faaipoiporaa e faaore te hoê taata i ta'na ra mau peu iino. e a ore ra te huru au ore ra. Ia ite-mau hia te reira na mua a'e i te faaipoiporaa.

Eaha ia te mau huru maitai te tia ia imihia e tatou? Teie ia te mau huru rahi a'e te tia ia mauhia e te hoê taata tei here mau i te tahi ra, oia hoi: te parau-tia, te aau mahorahora, te viivii ore e te faatura. Eiaha roa outou e faaipoipo i te hoê taata ê atu o te haavare ia outou ra. Te tumu faatere mau o te natura mo'a o te here o te hoê varua.

A tahi ra te mau feia apî tane, e te mau feia apî vahine i tomo mai ai i roto i te reira tufaa o te oraraa nei, te taime hoi e arataihia'i ratou e to ratou mau hinaaro tei horoahia mai no nia i te ra'i ra - teie ta'u e hinaaro i te parau ra, oia hoi, te mau hiaai tei horoahia mai e te Atua ra. Na te tahi mau taata apî, tei parau, ma te ite i te reira mea, "mai te mea tei ia matou te reira mau hinaaro,

no te aha ia eita e tia ia matou ia haamaha atu i te reira." E i te tahi mau taime e farii ratou i te parau faatia a te mau taata paari, i te feruriraa, o teie nei anotau. Area ra, eiaha outou e vaiho ia ihu noa'tu outou. Te tapiti faahou atu nei au, ua tae outou i te hoê tufaa o to outou oraraa i reira to outou tino e faaite mai ai i to'na ra puai, ia tia ra, ia outou ia haamana'o e, ua horoa atoa mai te Atua, i taua tau o te oraraa ra, te mana ia feruri maitai. Ua horoa mai Oia i te reira aravihi ei aratai no outou e to outou hoi tia maitai-raa.

Aita anei outou i tae i nia i te hoê pahi tei ia'na te mau otuituiraa puai roa ra, o tei tuu noa'tu, i mua i te mata'i, to'na ra puai rahi? I nia i te reira mau pahi, ia vai noa ratou, e ite ia outou i te mau tumu no te tia maitairaa. Ahiri aita, e parari ia taua pahi ra. I te taime a haere ai te ahu o te machine o te pahi, te haere noa'tura te reira mau tufaa, no te tia maitairaa, i te puai atoaraa, e i te hopea ua faatere maitaihia te mau tufaa atoa ma te peapea ore.

Hoê atoa o outou na, tei ia outou to outou na feruriraa, to outou aravihi, o tei riro ei mau tufaa no te tia maitairaa. No reira, a imi outou i te mau raveraa ia ore te reira tia-maitai-raa ia ore, mai te mea aita ra, e tupu ihoa ia te hoê harururaa rahi o te faaino roa i to outou oraraa.

Ia faarirohia te faaipoiporaa ei parau faau noa, o te ravehia no te pahonora'a tu i te hoê hinaaro nevaneva noa ra, e te faaore hia ia tupu te peapea matamua ra, ua riro ia te reira ei hara o te tia ia faautua etaetahia, e tei hau roa'tu i te ino, ia vai te mau tamarii o te inoino ia taa na metua ra.

E ueuehia te mau huero no te hoê oraraa amuitahoê i te taime o te apîraa. Eita te oaoa e haamata i te oro'a faaipoiporaa ra; e haamata ia te reira i te tau o te taure'are'a e i te momo'araa ra. Ua riro te haavîraa ia'na iho, i to'na apîraa e te faatura i te mau ture no te pae morare ei haamataraa mau no te itoito mau ra, e i te piti, ei hei mau no te vahine ra, e te toru ra, te faatupuraa i te hoê utuafare oaoa, e te maha ra, e riro te reira ei tumu no te faatupuraa mai, e te tameraa mai o te huru mau o te taata ra!

Te mana'o papu nei au e, ua rave rahi te mau taata o te haere noa mai, i te oro'a faaipoiporaa ra, no te faaoti i te tau o te momo'araa.

Ia haamana'o te mau melo atoa o te Ekalesia e, ia faa-riro ratou i te reira oro'a ei haamataraa no te hoê momo'araa mure ore ra! Eiaha ia mo'e ia tatou nei, i roto i te mau peapea e te mau fifi o te oraraa nei, e riro te mau parau, e te mau peu maitai ei mea han roa'tu i te maitai i to te tau o te mau mahana oaoa o te momo'araa ra. I muri ihoa i te oro'a, e i te mau tau tamataraa o te tae mai i nia i te utuafare e riro ai teie nei mau parau rii, "Maururu, ei hau taua, mai te mea e hinaaro oe", e haamaoro i te reira tau o te hereraa tei aratai ia orua i te oro'a faaipoiporaa ra.

A tapea, i roto i to outou nei mau feruriraa, teie na mana'o rahi e toru o te tauturu mai i te oaoa mau i muri a'e i te oro'a no te faaipoiporaa.

A tahi: Te aau mahorahora. Eiaha roa oe e mana'o, e teie nei mau taata apî, ua tia ia oe i te hi'o noa'tu i te tahi atu vahine, maori ra, i ta outou iho vahine here. E outou, e teie nei tane faaipoipo apî ra, eiaha atoa oe e imi i te ravea ia faatupu i te hinaaro o te vahine, a te tahi taata ê atu, ia oe na. Teie ia ta raua ohipa, e ta'na ra tane, i te faatupuraa i te hoê utuafare. Te haapaoraa i te fafauraa rahi tei ravehia i roto i te faaipoiporaa.

A piti: Te faatereraa hoi ia'na iho. I te tahi mau taime e haapeapeahia oe i te tahi mau mea rii nainai ra, e i reira e haamata outou i te parau haapuai, ma te faatupu i te mauini o te tahi ra. Aita râ vau i ite i te tahi atu peu maitai, mai te reira, no te faatupuraa i te oaoa e te hau i roto i te mau parau e paranhia ra. A tapea i te parau ooi o te tae mai i to outou mana'o ia ite outou e, ua haamauiuhia outou, e a ore ra, ia ite atu outou, i nia i te tahi, te tahi mea o te faatupu i to outou inoino. E i te tahi na minuti rii i muri iho, e oaoa ia outou i te oreraa i parau ino ra, i te oreraa hoi i rave i te ohipa i mana'o tauehia ra, e i te hopea e tupu faahou ia te here e te oaoa i roto i te utuafare.

A toru: O teie ia tao'a iti nei o te peu maitai ia. Te mau metua o te rave i te peu maitai i nia i te mau tamarii, e te mau tamarii hoi i te raveraa i te peu maitai i nia i te metua tane e te metua vahine, o te reira ia te tufaa no te tamaraa mau o te utuafare. Te aau mahorahora, te faatere ia'na iho, te peu maitai.

No na matahiti e hoê ahuru e ma pae, e toru ahuru, e pae ahuru, e no te mau tau mure ore - ia riro outou ei mau feia peu maitai, te tahi i te tahi, mai te tau a herehere ai orna ra. Na te reira e faatupu i te hoê utuafare oia mau. Aita â vau i te tahi vahi ê atu, i te utuafare, ei reira e vai ai te oaoa mau. E tia ia faarirohia te utuafare ei tufaa no te ra'i ra. Oia mau ta'u e parau atu nei, te hi'o nei au i te ra'i ei vahi tamau tuutuu ore o te utuafare maitai roa.

I te 2 no Tenuare, ua faatupu to tatou Peropheta ra o Davida O. Make, raua e to'na hoa faaipoipo, o Ema, i te hoê oro'a haamana'oraa i to raua faaipoiporaahia i te reira ihoa mahana matahiti i mairi a'e nei. Ua tai'o iho nei tatou i te parau a taua taata nei ia tatou i te feia apî o te Ekalesia a Iesu Mesia nei, ei a'oraa no nia i te faaineineraa no te faaipoiporaa iho. Eihea ia e itehia'i te tahi atu â hoho'a maitai a'e o te faaipoiporaa fana'o e te oaoa, maori ra, i roto ihoâ i te utuafare o to tatou Peropheta nei? A ani hia'i raua i te mau tumu i manuia'i i to raua faaipoiporaa, ua faaite mai te Peresideni raua to'na hoa i taua mau mea nei â o tei papaihia i nia nei, oia hoi: Te faufaa rahi no te maiti-papu-raa i te hoê hoa faaipoipo; te faufaa no te tapearaa i te mau hinaaro o te tino nei; te viivii-ore, e te tamauraa i te reira a pau noa'i te oraraa nei; te mau peu maitai i roto i te utuafare; te aau mahorahora i to te utuafare, e i te hoa faaipoipo, te faatere-maitai-raa ia tatou iho. E mea tia hoi ia tatou ia parau i te mau parau marû ana'e. Ua riro te mau peu maitai ei mea titau-roa-hia i roto i te utuafare.

E utuafare faahiahia roa to te opu Make. E hitu tamarii ta te Peresideni ma, e ora noa ra e ono. E 20 mootua ta raua, e e ono hina. E no reira ua tia i te Peropheta ia parau, mai ia Paulo, i te na o ra e: "E pee mai outou ia'u mai ia'u atoa e pee i te Mesia nei." I Korinetia 11:1.

Na To Te Autahu'araa

Te Raveraa I Te Mau Oro'a O Te Autahu'araa

Te hoê o te mau haamaitairaa rarahi o te tae mai ia ratou o te mau nei i te Autahu'araa a Melehizedeka ra, te mana'ia tei horoahia ia'na ia mono i te Fatu i te raveraa i te mau oro'a o te Autahu'araa.

A feruri na: e ere anei na fana'o te utuafare tei faate-rehia e te hoê tane o tei navai to'na faaroo, e tei mau i te mana o te Autahu'araa a tia'i ia'na ia faatabinu i ta'na iho vahine e ta'na mau tamarii hoi ia pohehia ratou i te ma'i? Oia mau roa! Oia atoa, ia tae i te taima e tano ia faatopahia te i'oa o te hoê ai'û oia hoi ia haamaitaibia oia, e aore ra, ia bapetizohia e ia faarirohia ei melo no te Ekalesia na roto i te tuuraa i te rima, auê te oaoa e te tahoêraa rahi tei roaa, i to te utuafare, ia ravehia taua mau oro'a taatoa na te metua tane, oia hoi, te upoo faatere o te utuafare!

Te Autahu'araa mo'a o tei tuuhia i nia i te taata i teie nei anotau, o te mana'ia o tei faaho'ihia mai, oia hoi, te mana o te Atua tei horoahia mai i te taata ia tia ia'na ia rave i te ohipa i te ao nei, no te faaoraraa i te taata nei. O ratou o tei mau i taua mana ra, e tia'ia ia ratou ia mono i te Fatu iho i te raveraa i teie nei mau oro'a, **IA RAVE RATOU I TE REIRA MAI TE AU I TE MAU TURE E TE MAU TITAUURAA O TE EKALESIA NEI.** E ua titau-mau-hia ia rave ratou i teie nei mau oro'a na roto i te parau-tia, oia hoi, ia rave i te reira mai te au i te mea ta te Fatu i faaite maira.

No te mea, e haapiiraa tumu na te Ekalesia nei, i roto i teie mau ohipa mo'a, eiaba roa ia **PAPAIHIA TE HOE MAU HOHO'A TE TIA IA TAMAU AAU HIA**, e aore ra, te hoê mau haapiiraa o tei faarahi i te parau no te mau peu o te tia ia tamauhia i roto i te raveraa i teie mau oro'a, no reira na riro ia ei ohipa rahi e te faufaa rahi roa hoi ia haapiihia te mau taata o te mau nei i teie nei antahu'araa, i te mau haapiiraa tia mau e te mau peu tia mau e te mau feia faatere o te mau pūpū ia. (I ô nei i Tahiti, na riro te reira ei ohipa na te pūpū Peresibutero o te Misioni).

E haapiihia hoi tana mau taata faatere ra i to nia'e ia ratou ra. E MEA ITI ROA te mau pen e te mau hoho'a pure o te tia ia tamauhia i roto i te Ekalesia nei. Ua titauhia ia arataihia te taata e te ururaa o te Varua Maitai i roto i ta ratou mau ohipa atoa ra. E no reira ua tia roa ia haapao teie mau tane i te ture e te mau faaueraa o te Ekalesia e tia'i ia ratou ia faarii i te ururaa o te Varua Maitai; Ua tia hoi ia ratou ia haamatan i te mau ravea afaro ia au maite to ratou mau mana'o e to ratou hoi feruriraa i te hinaaro o te Atua. Ia na reira ana'e ratou ra, e riro ia ta ratou mau pure ei mau pure ohie, o tei tano maitai i nia i te vahi i titauhia ra, o tei afaro i mua i te aro o te Fatu e tei faaoti i te mau mea atoa i titauhia ra. Aita roa'tu e pure tamanu i rapae atu i te pure o te ravehia nei i roto i te mau hiero, maorira, te pure no te baperizoraa, e na pure no te pane e te pape, oia hoi te oro'a o te Fatu. Te vai nei te hoê mau mea o tei ore roa e tia ia vaihihia i rapae i ta oe pure, e ia ravehia te reira mau mea NO TE MAU HURU ORO'A ATOA. Mai te au i tei faaite hia i roto i te BUKA ARATAI NA TE AUTAHU'ARAA A MELEHIZEDEKA, tera mai tana mau mea i titauhia ra:

1. Ia ravehia te mau oro'a atoa NA ROTO I TE I'OA O IESU MESIA.
2. Ia ravehia te mau oro'a atoa NA ROTO I TE MANA O TE AUTAHU'ARAA O TEI MAUHIA E TE TAATA I RAVE I TE ORO'A RA.
3. I reira e parauhia te mau huru parau atoa, O TE FAAITE I TE HURU MAU O TE OHIPA O TE ORO'A O TE RAVEHIA RA. Mai teie te huru:

I roto i te oro'a no te faariroraa i te taata ei melo no te Ekalesia, e mea tia ia tatou ia parau e, te faariro nei tatou ia'na ei melo no te Ekalesia a Iesu Mesia i te Feia Mo'a i te Man Mahana Hopea Nei, e ia horo'a atoa tatou ia'na te Varua Maitai, ma te ani atu ia'na ia faarii mai i te reira; Ia faatoro'a ana'e tatou i te hoê taata i te toro'a Tahu'a ra, e faahiti papu maitai ia tatou e, te faatoro'a nei tatou ia'na i tana toro'a ra. Mai te mea e, te ite nei tatou i te auraa o te oro'a ta tatou e rave nei,

e ere ia i te mea tia ia vai te hoê hoho'a no te mau parau ta tatou e parau ra, e mai te mea e, aita tatou i te auraa o te hoê oro'a, E ORE ROA'TU E TIA IA TATOU IA RAVE I TE REIRA ORO'A!! Ia au i tei faaitehia i roto i te BUKA ARATAI ra, ua titaunia i te mau taata o te mau nei i te Autahu'araa a Melehizedeka ia haapao i te mau ture e te mau faaueraa e ia imi i te ite e te maramarama e tia'i ia ratou ia rave i te mau oro'a tei papaihia i raro nei, maite au i te haapiiraa o te haamauhia e te Ekalesia ra:

1. Te haamaitairaa e te faatoparaa i te i'oa o te ai'û.
2. Te faariroraa i te taata ei melo no te Ekalesia e te horoaraa i te Varua Maitai.
3. Te horoaraa i te Autahu'araa i te taata, e te faatoro'araa ia'na i te mau toro'a o te reira.
4. Te faataaraa i te hinu olive no te oro'a o te faatahinuraa.
5. Te faataaraa i te apoc ma'i ei vairaa no te tino pohe.
6. Te faatahinuraa i tei pohe i te ma'i e te haamauraa i te faatahinuraa.

E ohipa na te feia faatere o te Pūpū Autahu'araa ia haapii i to'na mau melo i te auraa no teie mau ohipa. E ore roa ra e tia ia papaihia te mau HOHO'A NO TE MAU PURE. Aita roa te reira huru ohipa e faatiahia e te ture o te Ekalesia. Te faahape nei te reira huru ohipa i te mo'araa o teie nei mau oro'a o tei tia ia ravehia na roto i te ururaa o te Varua.

I roto i teie mau oro'a taatoa, te vai nei te hoê mau hape o tei ravehia nei o tei tano ia faaite hia'tu, ia ore tatou ia rave tamau i te reira mau hape.

Ia rave tatou i teie mau ohipa, a hi'o maitai, e a feruri maitai no nia i te mau parau ta tatou e parau nei. Mai te mea e parau tatou e, te tuu atu nei matou i to matou nei pue rima i nia iho i to oe na upoo NO TE FAARIRO ia oe ei melo no te Ekalesia a Iesu Mesia i te Feia Mo'a i te Mau Mahana Hopea nei, ua faariro anei tatou i tana taata ra ei melo? Aita, e aita roa'tu ia! Eiaha roa'tu e parau "NO TE" a parau ra, e te faariro nei matou ia oe, e aore ra, te haamaitai nei matou ia oe, e aore ra, te haamo'a nei matou i teie nei hinu olive, e i reira ua rave ia tatou i te ohipa i titaunia

i roto i taua oro'a ra.

1. Te Pure no te Bapetizoraa.

"No te mana i tuuhia mai ia'u e Iesu Mesia, te bapetizo nei au ia oe i te i'oa o te Metua, e no te Tamaiti, e no te Varna Maitai, amene." A tai'o i te Mosia 18:4-17 e te III Nephi 19:1-13.

2. Te Pure no te Pane.

Moroni 4:3.

3. Te Pure no te Pape.

Moroni 5:2.

4. Te Faatoparaa I'oa e Haamaitairaa i te Ai'û.

Faatopa i to'na io'a e haamaitai ia'na mai te au i te faaururaa o te Varua i nia ia oe.

5. Te Faarioraa i te Taata ei Melo no te Ekalesia e te Horoaraa i te Varua Maitai.

Faariro ia'na ei melo no te Ekalesia, (ma te faahiti i te taatoaraa o te i'oa o te Ekalesia) e horo'a ia'na i te Varna Maitai, e parau i te mau mea atoa e au ai, mai te au i te ururaa o te Varua, e a parau e, "A farii mai na i te Varua Maitai."

6. Te Horo'araa i te Autahu'araa e te Faatoro'araa i te Mau Toro'a o te Autahu'araa.

A faatoro'a ia'na i te toro'a Autahu'araa tei tano i roto i te Autahu'araa a Aarona e aore ra i roto i te Autahu'araa a Melehizedeka, e a horo'a ia'na i te mau taviri o taua tiaraa ra.

7. Te Haamo'araa i te Hinu Olive.

A iriti i te tapoi no te mohina e a haamo'a i te hinu (eiaha i te mohina) no te ohipa o te faaoraraa i te ma'i na roto i te faaroo. A ani atu i te Atua ia iriti ê atu i te mau mea viivii mai roto atu i te hinu ia vai mâ teie hinu no teie ohipa mo'a.

8. Te Faatahinuraa i tei Pobe i te Ma'i.

A tuu i te tahi maa vahi iti hinu i nia te upoo, mai te mea e, na taamuhia to'na upoo i te aahu taamu, a tuu ia i te vahi i piri roa'tu i te upoo. Eiaha roa e parai i te hinu i nia i te tahi atu â mau vahi o te tino i ma'ihia ra, e ere hoi te hinu i te mea te

faaora i te ma'i, na te mana Antahu'araa ra, e te faaroo, oia hoi te faaroo o ratou o te rave i te oro'a e tatou hoi o tei farii i te oro'a. A faatahinu ia'na ei faaineineraa ia'na no te pure haamaitairaa e purehia i nia ia'na. Ia ore oe i faauruhia ra, eiaha e parau i te mau parau haamaitairaa i roto i te pure no te faatabinuraa, a vaiiho i te reira no te pure haamauraa ra, a haapao râ i te ururaa o te Varna.

9. Te Haamauraa i te Faatahinuraa.

A haamau i te faatahinuraa i nia ia'na, e a faahiti i te mau parau atoa mai te au ito oe faaururaahia e te Varua.

10. Te Faataaraa i te Apoo Ma'i Ei Vairaa no te Tino Pohe.

A faataa i te apoo ei vairaa no te tino pohe. A ani atu i te Atua ia paruru mai i te reira vairaa i te mau ati huru ran a tae atu ai i te taime i faataahia ia tia mai te tino ia ati atu ai i te Varua i te tia-faahou-raa.

Ia faaitoito tatou i te titau i te faa-urn-raa o te Varua Maitai, e ia vai mâ noa tatou, e tia ia tatou ia farii i taua uru raa ra, e ite ia tatou i te mea e tia ia tatou ia parau i te taime i titauhia ra.


“...na te Varua Maitai hoi e haapii mai ia outou i te parau e tia ia parau atu i reira ra.”

....Luka 12:12

“No reira, ia tamau te mau taata atoa, tataihoê, i ta ratou ohipa, e ia rave i roto i te toro'a i haapaohia'i ratou, mai te itoito atoa.

“O tei faatau ra, e ore ia e parauhia e, e au ia tia, e o te ore e tamau i ta'na ohipa e o te faaite ia'na iho ei taata au ore, e ore ia e parauhia e, e au ia ia tia. Oia ia, Amene.”

....Buka Fafau 107:99



Te A'oraa na te Peresibutero Ioane Lonadena

Te vai nei te hoê mau mana'o ta'u e feruri nei no te horoa'tu ia outou i teie nei pô. Te vai nei hoi te tahi na irava ta'u e faatiro ei ei omuaraa no ta'u nei a'oraa.

“A tuu mai i te tamarii rii ia haere noa mai ia'u nei, e eiaha e tapeahia'tu; mai ia ratou hoi to te Basileia o te Atua ra.”

E i muri iho: “Ua faaite mai te hoê o te mau peropheta rahi no tahito e:

“...a faataa na outou i teie nei mahana i ta outou e tavini; area vau e to'u atoa ra utuafare, e tavini ia matou i te Fatu.”

E ua horoa mai te Faaora iho i teie faaueraa:

“Eiaha e haapue noa i te tao'a na outou i teie nei ao, i te vahi e pau ai i te huhu e te pe, i te vahi e tomohia'i e e eiâhia'i e te eiâ; e haapue râ i te tao'a na outou i nia i te rari, i te vahi e ore e pau ai i te huhu e te pe, e ore hoi te eiâ e tomo i reira a eiâ ai. Te vahi hoi i vaiiho hia'i ta outou tao'a ra, e riro atoa i reira to outou aau...”

Ua putapû to'u aau i te mataitairaa i te oro'a baptizoraa tei faaterehia i ô nei. E toru tamarii paari i nia i te vau o te matahiti tei baptizohia ra na roto i te utuhiraa e te hoê tavini mau o te Fatu. Ua putapû to'u aau i te hi'oraa i to ratou mau tino e to ratou mau ahu mâ, haamana'o ihora vau i ta to tatou Faaora i parau ra, “A tuu mai i te tamarii rii ia haere noa mai ia'u nei...mai ia ratou hoi to te Basileia o te Ao ra.” Tupu noa'tu tatou i te rahi e te paari, e tamarii ihoa tatou na to tatou Metua i te Ao ra e te titauhia nei ia vai mâ noa to tatou mau tino.

Ua maere atoa vau i to'u mataitairaa ia outou e te huru mâ o to outou mau ahu - te tamarii e te feia paari atoa hoi te mau ahu ôomo e te mau ahu vahine pua apî hia e auri apî hia hoi. E mea mâ ana'e! Ua ite atoa vau e e vahi

hopuraa pape ta outou e te tapitapi nei hoi outou ia mâ maitai to rapae o to outou mau tino. Area ra, e mea tia roa'tu ia ia vai mâ tatou i te pae varua - ia ore tatou ia mairi i roto ite mau faahemaraa a Satane o te haaviivii i teie nei tino...

Ua parau maira o Paulo, te aposetolo rahi, i te hoê taime, e "Eaha aita outou i ite e, o te hiero outou o te Atua, e te parahi ra te Varua o te Atua i roto ia outou na? E ia haaviivii te hoê taata i te hiero o te Atua ra, e pohe oia i te Atua."

E mea tia roa ia haapae tatou i te mau hara mai te faaturu e te poreneia. E ore roa e tia i te tane e aore ra i te vahine ia taoto noa te tahi i te tahi i rapae atu i te faaipoi-poraa. *E mea tia roa* ia vai mâ noa to roto o to tatou mau tino mai to rapae ra. Ia hinaaro tatou ia au to tatou haerea i mua i te aro o te Atua, to tatou Metua mure-ore, e ia farii hoi i ta'na mau haamaitairaa, ua tia ia ia tatou ia haamana'o i ta te Faaora i faaue maira i te na o raa e "ia mâ outou e tia'i."

Aita vau i haapao atu i ta te tahi mau haapaoraa e parau nei e aore ra i ta ratou e rave nei, area ra te peapea nei au i ta tatou, ta te mau Feia Mo'a i te mau Mahana Hopea nei, e parau nei e ta tatou e rave nei ei haapaoraa i te parau a te Fatu. Tei ia tatou nei te maramarama rahi a'e o tei horoahia mai ia tatou i teie nei tau tuuraa parau ia au tatou i to tatou oraraa i ô nei i te oraraa pae tahuti nei e no a muri noa'tu atoa hoi. Te faaite papu atu nei au ia ontou e, ia faaroo e ia tiaturi tatou i te parau a te Fatu e patoi atu i te mau faahemaraa a Sataue, ma te haapao noa, mai te au i te mau haapiiraa a lesu Mesia, te haapue mau ra ia tatou i te tao'a na tatou i te ao ra. Ahiri te haapao ana'e ra te taatoaraa i te mau faaueraa a te Fatu, a feruri na i te puai e te mana e roaa ia tatou ia haere e ia riro ei tautururaa ia vetahi ê, ia itehia te oraraa oaoa ia ratou!

Teie te tahi mea: Aita e tia ia tatou ia tiaturi noa i te mau ohipa tei ravehia e tatou i nanahi ra. E mea tia ia tatou ia haapao i te hoê oraraa i teie nei mahana e au ai ia tatou te mau haamaitairaa a te Fatu.

Ua tai'o haavitiviti noa vau i arana'e nei, e ua haere paha vau i te mau pureraa oro'a e 2 tauatani e 200 hanere te rahiraa mai te tau i ite ai au i te haapaoraa. I roto i taua mau pureraa ra, ua rahi roa te mau taime i tia'i ia'u ia faaamu i to'u Varu i te maa varua no ô mai i te Varua Maitai. Eita râ e tia ia'u ia tiaturi noa i te reira mau ohipa. Teie ana'e te mea faufaa i teie nei, maori ra, eaha te maa ta'u e rave nei i teie nei mahana? Te haapao nei anei au i teie mau haapiiraa maitatai a te Ekalesia? Te vai nei te hoê haapiiraa tumu ia tatou nei, i roto i te Ekalesia nei, o tei parauhia te tatarahaparaa. E te faaite papu atu nei au ia outou e, e parau mure ore hoi te reira.

Mai te mea e, ua hape tatou - e mai te mea e, e faaroo tatou i te parauraa mai a te re'o iti hâihai o te Varua Maitai, e *ite* ia tatou e, na hape ihoa tatou.

Mai te mea e, ua rave tatou i te hoê hara o tei haaviivii i teie nei tino, e tia ia tatou ia tatarahapa. E ere râ na roto i te tatarahaparaa i te hoê pure iti poto i teie nei pô. te haapaeraa i te oro'a i te tabi na taime rii, ma te haere atu e rave faahou i te reira iho â hara! E mea tia ia tatou ia tamau ma te auene-ore i te taviniraa i te Fatu e i te haapaoraa i Ta'na mau faaueraa.

Ua parau maira te Faaora e, "E ite ia outou i te parau mau, e na te parau mau outou e faatiamâ."

Tera râ, e mea tia ia ite tatou i ta'na i parau hou a'e oia i parau ai i taua parau ra. Ua parau Oia e, "*Ia mau maite outou i ta'u parau*, e pîpî mau ia outou na'u i reira. E ite ia outou i te parau mau e na te parau mau outou e faatiamâ."

E no reira, e mea tia ia tatou ia tavini tamau noa i te Fatu e ia haapao i Ta'na mau faaneraa atoa, ia au ia tatou Ta'na mau haamaitairaa. Te pure nei au ia feruri maite tatou no nia i teie nei na irava parau e ia ite e, tei ia tatou te hoê ravea ia tupu tatou i te faito o te hoê mau taata hape-ore. Na roto i te mana o te Fatu e te Autahu'araa, e te mana o te Varua Maitai, aita hoê mea e vai nei o te ore e otia tatou. Tei ia tatou nei te maitiraa i ta tatou e tavinini, no te mea o raua ana'e na mana i roto i te ao nei i teie nei

mahana. E no reira, e haere ana'e tatou mai te taata hoê ma te tiaturi-papu-raa i ta tatou ohipa i roto i to tatou nei aau e to tatou nei mana'o ia tavini i te Fatu e ia arataihia e To'na ra maramarama, ma te hi'o tamau i mua, eiaha i te ora-mure-ore ana'e, i te faateiteiraa mure ore atoa râ.

Te hinaaro nei au ia vaiiho atu i te mau parau a to tatou Peropheta no teie nei mau mahana, te Peresideniraa ra, o Davida O. Make, ei parau opaniraa no ta'u a'oraa.

E tano te reira ia tatou paatoa, noa'tu te vahi i parau-hia e tatou. Ua parau maira oia e, tei o nei tatou ia faatupu i te puai o te faatereraa ia tatou iho, e upootia tatou i nia i to tatou mau hinaaro e to tatou mau hiaai, o te tapea nei ia tatou ia ore ia tia ia tatou ia ite i te Varua o te Fatu. Ia haamaitai mai te Atua ia tatou i te reira puai e te reira mana. E na reira ihoa Oia mai te mea e imi tatou ia'ua. Ta'u ia pure na roto i te i'oa o Iesu Mesia, Amene.



Te Revaraa o Tihoti Orometua

Ua reva to tatou Orometua o Tihoti na nia i te pahi o Mariposa i te 12 no Tenuare. Ua faaea mai oia e piti ava'e hau i to'na tau mau no te tia i te hoê hoa no'na o tei tere mai na nia i taua ihoâ pahi ra.

Ua riro taua taata ra ei Peresideni i nia a'e ia Tihoti e 4 matahiti te maoro a rave ai Tihoti i te ohipa misionare i roto i to'na Titi i California.

Te toru teie o te taima ta Tihoti i rave i te ohipa porohaere raa i te Evanelia. Ua mau oia i te tiaraa Tauturu

Piti no te Peresideniraa Misioni, E na tae oia i te rahiran o te mau motu o te Misioni ia tauturu i te mau ohipa i reira.


TE MAU ORO'A I RAVEHIA

Te Mau Bapetizoraa

7	Ditema	Tautu Timi â Holman		Tevaitoa
11	Ditema	Raita Sarah â Tetahio		Haapu
21	Ditema	Teriimiuratuâ â Taaroa		Puaoa
		Rereao Tevahitua â Taaroa		Puaoa
29	Ditema	Taumaha Terorohauepa â Brodien		Uturoa

Te Mau Faatoroaraa

17	Atopa	Tetuanui â Tehaurai	Peresibutero	Puaoa
30	Atopa	Norbert â Tino	Diakono	Avera
6	Novema	Paulin â Temarohirani	Diakono	Mahu
20	Novema	Albert â Tehoiri	Diakono	Taahuaia
		Patrice â Tapa	Diakono	Cumora
27	Novema	Amona â Tekuravehe	Haapii	Papeete I
		Temotu Maru â Hntihuti	Tahu'a	Papeete I
4	Ditema	Arohamea â Alvarez	Diakono	Takaroa
		Charles â Irihan	Diakono	Tevaitoa
		Tutemaevaroa â Mehau	Haapii	Tevaitoa
		Manafenuaroa â Tehaai	Haapii	Tevaitoa
11	Ditema	Arapo Niau â Tetuanui	Peresibutero	Avera
		Maxwell â Itae	Peresibutero	Tevaitoa
		Hiro â Teriipaia	Peresibutero	Tevaitoa
		Manate â Tihopu	Peresibutero	Tevaitoa
		Manuela Vals â Alvarez	Peresibutero	Uturoa
		Elisaia â Manarani	Peresibutero	Vaiaau
18	Ditema	Teheiura â Reiatua	Peresibutero	Uturoa
		Temanu â Teahaga	Peresibutero	Takapoto
		Polycarpe â Maheahea	Peresibutero	Takapoto
		Takaro â Teahaga	Peresibutero	Takapoto



Lettre Aux Auxiliaires

Mes Chers Frères et Soeurs,

La première chose que j'ai remarqué quand nous sommes arrivés ici, c'est que le thème de la SAM n'est pas donné correctement.

Premièrement, je ne crois pas que la personne chargée du thème devrait saluer tout le monde.

Les thèmes choisis sont généralement de belles paroles de Jésus ou nos prophètes. Alors recueillons-nous avant de les répéter.

La personne chargée du thème annoncera d'où vient le thème (pas un discours de deux minutes et demi, mais juste:

“Doctrine et Alliances, chapitre 112, verset 10.”

Ensuite il dira le thème:

“Sois humble et le Seigneur ton Dieu te conduira par la main et répondra à tes prières.”

puis, il invitera l'assemblée à *se lever* et à répéter le thème.

Nous sommes tous assez grands pour nous rappeler ces quelques lignes sans avoir à répéter mot par mot. Essayez de penser à ce que vous dites, et peut-être auriez-vous la surprise de comprendre ce que vous dites.

“Le Seigneur ton Dieu te conduira par la main” est la partie la plus importante et une promesse sans fin. Il répondra à tes prières à une condition: “Sois humble.”

Alors, souvenons-nous de faire les choses comme elles devraient être faites. Ce n'est qu'un détail, mais chaque chose compte et le thème de la SAM est un bon conseil.

SUIVONS-LE!

E Rata Na Te Mau Pupu

E tau mau taeae, e tau mau tuahine,

Te mea matamua tei itehia e au, i to matou taëraa mai i teie nei fenua, o teie ia, oia hoi, te afaro ore o te tuuraa o te irava tamau aau a te Feia Apî.

A tahi, te mana'o nei au e, e ere i te mea tia ia aroha mai te taata tei maitihia no te faatere i te irava tamau aau ra.

I te rahiraa o te mau taime, ua maitihia te mau irava tamau aau, no roto mai i te mau parau a Iesu, e Ta'na ra mau Peropheta. No reira e mea tia ia feruri maite tatou hou a faahiti mai ai i te reira.

E faaite mai, te taata tei maitihia ra, no hea mai te raveraahia mai te irava tamau aau (eiaha râ ia parau noa mai no na minuti e piti ra), teie noa ra ta'na e parau mai:

“Buka Fafau, pene 112, irava 10.”

E i muri iho e tai'o mai ia oia i taua irava tamau aau ra,

“A faa haehaa ia oe iho, e na te Fatu, to Atua, e aratai ia oe ma te tapea i to rima, e Na'na e pahono mai i ta oe mau pure ra.”

e i reira e ani oia i te amuiraa ia *tia mai i nia* e ia tai'o mai i te irava tamau aau.

Ua navai to tatou paari no te haamana'o maitai i teie nei na reni rii parau ra, ma te ore e faahiti i te mau parau atoa ra. A tamata na i te feruri i nia i te parau ta outou e parau mai, e i reira e maere paha outou ia haroaroa maitai outou i nia i te mau parau e parauhia ra e outou.

“Na te Fatu, to Atua, e aratai ia oe ma te tapea i to rima”...o te vahi faufaa mau ia e te hoê fafauraa mure ore. E pahono Oia i ta oe na pure, maori ra, “Ia faahaehaa oe ia oe iho.”

No reira, a haamana'o maitai tatou e, ia rave ihoa tatou i te mau mea atoa mai te tia mau ia ravehia ra. E mau parau rii noa iho teie, area ra, e faufaa to te mau mea atoa, e ua riro te irava tamau aau a te Feia Apî ei haapiiraa maitai. No reira,

A PEE ATU I TE REIRA!

Na Te Feia Apî

Eaha Te Auraa No Te Tatarahaparaa?

“E ore hoi e tia ia’u i te Fatu, ia hi’o atu i te hara ma te hoê a’e maa vahi iti faatiaraa; Area ra, o te tatarahapa e te haapao i te mau faaueraa a te Fatu, e faaorehia ia ta’na mau hara; e o te ore râ e tatarahapa ra, e ravehia’tu ia te maramarama iho ta’na i farii ra; no te mea e ore roa to’u varua e maro noa i te taata nei; te na reira maira te Fatu, o Iehova Sabaota ra.” Buka Fafau 1:31-33.

E tia ia parau e, te auraa no te TATARAHAPA, o te TAUIRAA IA! Teie mai na tufaa ohipa e maha no te tatarahapa mau:

1. Te iteraa e, ua hara oe.
2. Te hinaaro mau ia faarue i te reira huru ohipa.
3. Te fa’iraa mai e, ua hara oe.
4. Te haapae-roa-raa i te reira hara, ma te ore e rave faahou.

...E hi’o tataihoê tatou i te reira na tufaa e maha i teie nei.

1. Te Iteraa e, Ua Hara Oe.

Ua parau te hoê taata papai samu tui roo e, “Te hara rahi roa’e, o te ite ore ia i ta tatou mau hara.”

Te tatarahia mai nei te tumu no te reira, na roto i to tatou iteraa e, mai te tau o to tatou metua Adamu mai, ua tamau te taata nei i te hamani-ino i te mau peropheta. E no te aha ra? *No te mea ua faaite mai te Fatu i te mau hara a te mau taata na roto i te reira mau peropheta.* Aita râ te mau taata i hinaaro ia fa’i i ta ratou mau hara. Ua pinepine ta tatou parauraa no Noa, e to’na poro-haereraa i te tatarahapa i te taata, e 120 matahiti te maoro. Tera ra, ua ite anei outou e, na ora to’na metua tane (o Lameha hoi to’na i’oa) e 777 matahiti, e e peropheta atoa oia, e ua tiaoro atoa’tu oia i te taata ia tatarahapa? Ua pohe oia e 5 matahiti hou i te diluvi. O Metusela te tupuna tane no Noa. Ua ite tatou paatoa i te parau no’na. Ua ora oia e 969 matahiti, e pohe atura i te matahiti o te diluvi. A toru ia taata no te Atua o tei faaara i te mau taata ia tatarahapa. EHAHA IA RATOU I ORE ITATARAHAPA’I? Aita roa’tu e tia i tana mau taata ra ia parau e, aita ratou i ite e, e hara ta

ratou. Ua tonono mai te Atua i te hoê faaararaa ia ratou na roto i ta'na na tavini tootoru o tei parau noa ia ratou e 1,000 matahiti te maoro, e no reira te Atua i haamou ai ia ratou. Ua ite ihoa ratou e, tei roto ratou i te hara, aita râ i haapao noa'tu i te reira.

E teie nei, eaha to tatou huru i ô nei i teie nei mahana-te ite nei anei tatou i ta tatou mau hara? Ua ite anei tatou i te huru ê raa i ropu i te maitai e te ino? O vai ia te taata te tia ia parau "aita"? Ia parau ana'e te hoê taata aita, ua riro ia ratou i te faaroo i te mau peropheta mai te mau taata i te tau no te peropheta ra, O Ezekiel, a parau mai ai te Fatu ia'na e, "Ua riro oe mai te pehe hinaaro-rahi-roa hia no ratou ra, e mai te taata reo maitai ra, mai te mea i faaoto-atoa-hia ra: Te faaroo ra hoi ratou i to re'o, e ore râ ratou e rave, Ia tupu râ te reira ra, (e inaha, te fatata maira) ei reira ratou e ite ai e, e peropheta tei tae mai i roto ia ratou ra." Ezekiel 33:32-33.

E no reira te faaarahia nei te mau taata o teie nei anotaui atoa. Eaha râ te aua no te parau ra, **FAAARA?** Eaha hoi to'na tuatiraa i te tatarahapa? Ua faaarahia a'enei tatou ia haapao i te mau faaueraa. Ua faaarahia a'enei tatou e, tei reira to tatou ora, oia to tatou ora a muri a'e. Ua riro te faararaa i te hoê taata ei tautururaa ia'na. Te faataa nei ia oe ia'na no te huru o te hoê ohipa. Mai te mea aita oe i faaara i te taata hopu e, e ma'o to raro, e ia amuhia'-tura oia, aita anei oe e peapea? Oia atoa te Atua, te faaara noa mai nei te Atua ia tatou no te "ma'o" rahi roa'e o tei tae mai no roto mai i te tai, oia hoi o Satane. E ere anei i te mea tano ia faaroo tatou i teie nei faararaa? Ia faaroo ana'e tatou ua roaa ia tatou te iteraa e, ua hara tatou, o te ohipa matamua ia no te tatarahaparaa.

2. Te Hinaaro Mau Ia Faarue I Te Ohipa Ino

O te piti teie o te ohipa no te tatarahapa mau. A hi'o tatou ia Kaina. Ua faaara mai te Atua ia'na, ua faataa mai te Atua ia'na i te huru no te hara, i te taime:

"Ua hopoi maira Kaina i te mau mea hotu o te fenua ei ô i te Fatu ra, E o Abela, ua hopoi atoa mai oia i te mau fanau'a matamua o ta'na nănă, e te mea poria ra.

“E ua faatura maira te Fatu ia Abela e i ta’na ra ô. Area ia Kaina, e ta’na ra ô, aore ia oia i faatura. Teie nei ra ua ite Satane i te reira, e mairuuru ihora oia. E riri roa a’era Kaina, e tuatua’tura to’na mata. E ua parau atura te Fatu ia Kaina: Eaha oe i riri ai? Eaha hoi i tuatua’i to oe mata? *Ia rave oe i te maitai, e fariihia mai ia oe.* E ia ore oe ia rave i te maitai ra, tei mua ia te hara i te uputa, e te hinaaro mai ra Satani ia oe; e ia ore oe ia haapao i ta’u ra mau faaueraa, e tuu atu ia vau ia oe, e e ravehia mai te au i to’ua ra (to Satane) hinaaro.” Mose 5:19-23.

E teie nei, ua faara maitai te Fatu ia Kaina e, tei mua te hara i te uputa i te tiai raa ia’na, oia hoi, i to’na raveraa i te mea ino, te fatata roa’tura oia i te rave roa i te hara. Ua’ papu anei ia Kaina te huru o te hara? Oia ihoâ! Te hinaaro ra râ anei oia ia ore oia ia topa i roto i te hara? Aita ia, no te mea ahiri te hinaaro ra oia mai te reira, na pee ia oia i te parau a te Fatu, e aita ia oia i taparahi i to’na teina.

O tatou nei, te mau melo o te Basileia o te Atua tei faabo’ihia mai i te ao nei - te hinaaro nei anei tatou ia haavi i ta tatou mau hara? E aore ra, te mana’o nei anei tatou e ora noa tatou na roto i to tatou bapetizoraahia i roto i te Basileia. Teie ta Nephi i parau:

“E tena na, e au mau taeae here, e ui’atu vau ia outou na, Ia tae outou i taua e’a titiaifaro ra e te pirihaio, atira anei ia? Inaha, e parau atu vau ia outou na, Aore roa ia. Aita outou i tae i taua vahi iti nei, maori râ na roto i te parau a te Mesia e te faaroo aneue ore ia’na ra, i te tiaturi-maite-raa i te Mesia, ma te tapea hoi e tae noa’tu i te hopea ra, inaha, te na ô maira te Metua, E ora mure ore to outou i reira ra.” II Nephi 31:19-20.

Oia atoa ta Iesu i parau ra: “Ia mau maite outou i ta’u parau, e pipi mau ia outou na’u i reira.” (Ioane 8:31)

No reira, te *hinaaro* ia faarue i te ino e ia tamau i te maitai, o te piti ia o te ohipa o te faaaratai nei ia tatou i te tatarahapa mau, e e mea tia ia riro te reira ei hinaaro ora, o te aratai ia tatou na roto i te faaroo i te

tatarahapa i te mau mahana atoa o to tatou oraraa, e ia mau maite ihoa i ta'na parau. I te mau taime atoa a rave ai tatou i te oro'a, e mea tia ia rahi roa te hinaaro i roto ia tatou tataitahi e tia'i ia tatou ia faarue atu i te hoê hape e aore ra te noê hara i muri ia tatou i te mau hebetoma tataihoê atoa, oia atoa i te mau mahana tataihoê atoa hoi. Ia ore te hinaaro mau i roto ia oe ia haavi oe i te hara, eita ihoa ia oe e haavi atu i te reira.

3. Te Toru o te Ohipa a te Tatarahapa Mau, o te Fa'iraa i ta oe hara.

E teie nei, o tatou nei no te Ekalesia a Iesu Mesia i te Feia Mo'a i te Mau Mahana Hopea nei, aita tatou e tiaturi nei e, e faaorehia ta tatou mau hara na roto i te fa'iraa i te reira i te hoê a'e taata i nia i teie nei ao. Te Atua ana'e râ o te nehenehe ia ia faaore mai i te hara. E ua faaite mai Oia ia tatou e, ua titauhia ia fa'i i ta tatou mau hara, area ra, te vai nei te hoê pen i o tatou nei to teie nei mau motu o te ore i ravehia ma te au i te ture mau. I te mau taime atoa e hinaaro ai te hoê taata ia tatarahapa, noa'tu e eaha ra te hara, e haere ia ratou ia tuuhia to ratou i'oa i mua i te aro o te amuiraa ia fariihia ratou. E ere râ mai te reira te faatereraa mau a te Ekalesia nei. I te pae rahi roa o te taime, e mea tia ia ravehia te oro'a faa'iraa hara e te tatarahaparaa i roto i te vahi moemoe i mua i te Peresideni Amaa e hoê faahou a ite. Mai te mea ra, ua ravehia te tahi hara ei hara ia i te mau taata e rave rahi e ua ite te taatoaraa o te mau taata e, ua ravehia te reira taata, e ia mana'o te Peresideni Amaa e, e mea maitai, e mea tia ia ia tuuhia te i'oa no te reira taata i mua i te amuiraa i roto i te pureraa oro'a e te iritiraa mana'o i te Sabati Oro'a, ma te ore i faaite i te hara i ravehia ra. Na te Peresideni Amaa e ani atu i te amuiraa ia farii i te tatarahapa o te reira taata, e a ore ra, e tia'atoa i te taata i hapehia iho ia tia mai i roto i te pureraa iritiraa mana'o e faaite atu i to'na hinaaro ia tatarahapa ma te ore i faaite i te hara ta'na i rave. E mea tia'atoa i te mau Peresideni Amaa ia haamana'o e, e ore roa e tia ia ratou ia faaite noa'tu i te hoê a'e taata i te mau mea tei faaitehia i

muia ia ratou na roto i te mau oro'a fa'iraa hara e te tatarahapa. E haamana'o tatou i te parau a te Mesia:

“E faaore au, o te Fatu, i te hara a ratou ta'u hinaaro i te faaore, ia outou ra, ia faaore outou i te hara a te taata atoa, e tia'i.” Buka Fafau 64:10.

4. Te Haapae-roa-raa i te Hara o te Tamataraa Rahi Roa te Reira Ia Tatou.

Mai te mea e, e ite papu to te hoê taata e, e parau mau ta te Evanelia, e te vai mau ra te *hinaaro* i roto ia'ua ia haapao i te reira, e ua fa'i hoi oia i ta'na mau hara, e noa'tu i te reira mau mea atoa, e ore oia e haapae i taua mau hara ra, ua faufaa ore roa ia to'na tatarahaparaa i reira. Na o maira te Peropheta Davida O. Make e:

“Eaha te auraa no te tatarahaparaa? E *tauiraa* i te oraraa, e *tauiraa* i te feruriraa, e *tauiraa* i te ohipa.

Mai te mea e, e taata iria e te au ore oe i te taata i mutaa a'enei, a *taui* i te reira iria e te au ore i te aroha e te here. Mai te mea e ua tairi oe i te hoê taeae, a faatia i te re'o iti haihai i roto i to oe aau ia tairi ia oe, e a *taui* i te reira e ani atu ia'na ia faaore i ta oe hara, e *eiaha roa'tu e rave faahou i te reira*. E ia na reira tatou i te *tauiraa* i to tatou oraraa ma te faarue i taua mau mea o tei riro ei peu te au i ta te animala ra, te tatarahapa nei ia tatou i ta tatou mau hara.”

Ua ui maira Alama i to Zarahemela e,

“E te ui atu nei au ia outou na, e au mau taeae o te Ekalesia e, ua fanau-varua-hia anei outou i ta te Atua ra? Ua roaa anei ia outou to'na ra hoho'a i to outou mata na? Ua itea anei ia outou taua faahuru-ê-raa rahi ra i roto i to outou aau na.” Aiaia 5:14.

E tera mai te parau a Iesu i te ati Nephi ra:

“E ore e ô te mea viivii i roto i to'na Basileia; no reira e ore te taata e tomo i roto i to'na faaeareaa, maori ra o tei mâtou ratou ahu i to'u ra toto, no to ratou faaroo, e te tatarahapa i ta ratou mau hara, e ta ratou tamau-maite raa e tae noa'tu i hopea.” III Nephi 27:19.

Eaha Te Taime No Te Tatarahaparaa?

Ua rahi te taata o te tiaturi nei i te tatarahapa o tei ravehia i nia i te roi a fatata roa'i te taata i te pohe ra, ma te tiaturi e, e faaore mai te Fatu i ta ratou mau hara i muri a'e i teie nei oraraa. Teie ra ta Amuleka faaiteraa no nia i te Evanelia:

"Inaha hoi, tei teie nei oraraa te taime ia faaineine te taata ia farerei i te Atua; oia ia, o te mahana ia, te mahana o teie nei oraraa, ia rave te taata i ta ratou ohipa. E teie nei, mai ta'u i parau na ia outou, ua tae mai ia outou te mau faaite e rave rahi, no reira te a'o atu nei au ia outou e, eiaha outou e faaroaroa i te mahana o to outou tatarahapa e tae roa i te hopea; no te mea i muri i te mahana o teie nei oraraa ra, o tei horoahia mai i te taata ia faaineine no te tau mure ore ra, inaha, ia ore outou ia rave maite i te ohipa a parahi ai outou i te ao nei, e i reira e tae mai ai te pô pōiri e e ore e tia ia ravehia te ohipa i reira . . . no te mea e mana â to taua varua, i roto i to outou mau tino i te mahana e pohe ai outou ra, i nia i to outou tino i taua ao mure ore ra." Alama 34:32-34

Na ô maira Iosepha Semita e,

"Te tatarahaparaa ra, o te hoê ia ohipa o te ore e tia ia faaoti noa hia i te mau mahana atoa. E ere roa te raveraa i te hara e te tatarahapa-noa-raa i te mau mahana tataihoê i te mea maitai i mua i te aro o te Atua."

E no reira o teie ia te tatarahaparaa:

"Inaha, o tei tatarahapa i ta'na mau hara; ua faaorehia ia te reira, e e ore roa te reira e haamana'o faahouhia e au nei, e te Fatu. Na teie outou e ite ai e, ua tatarahapa anei te hoê taata i ta'na mau hara, inaha, e fa'i e e faarue hoi oia i te reira." Buka Fafau 58:42.

Ia horoa mai te Atua i te puai ia tatou nei ia patoi atu tatou i te mau faahemaraa. A ani ia tatou i te reira i roto i ta tatou mau pure.

Papaikia e Terii Orometua

Te Tere Amuiraa I Takaroa Ma.

I te pô mahana toru, te 14 no Ditema, ua reva o Paraita no te tere atu i te tahi mau motu o te Tuamotu. I te poipoi mahana pae, tapae atura te pahi i Ahe, ma te raye atu i te tahi mau taata i reira. I te ahiahi, tapae atura i Manihi, e ua haamaitaia te hoê ai'û fanau apî i reira, e ua faatupuhia hoi te hoê pureraa na te hui raatira taatoa.

I te aahiata, reva'tura te pahi i Takapoto, e i te reira iho poipoi, ua faarihia te Peresideni Misioni, e o Timi Orometua, e te Amaa no Takapoto, ua tae atoa mai te Tavana e te mutoi no reira, e ua horoahia te tahi mau tao'a aroha i na manihini. Reva atura ratou, e tapae atura i Takaroa i te reira avatea. Haere tia'tura ratou i te fare putaputuraa, e i reira ratou i te faatamaaraahia. I te reira pô ua faatupuhia te hoê pureraa iritiraa mana'o na te feia apî, e ua hauti mai te hoê pûpû feia apî i te hoê mau orîraa haamenemene nehenehe roa e te tura maitai. I te poipoi Sabati, ua faaterehia te hoê apooraa na te mau Peresibutero tei faaterehia e na melo o te apooraa misioni, o Tauapitiâ Mariteragi raua o Tinomana â Hauata. E i muri iho ua faaterehia te pure-raa a te Autahu'araa taatoa. I roto i te reira na pureraa te paraparaahia te mau ohipa apî te tupu nei no te mau Peresibutero. I muri iho, ua faaterehia te hoê pureraa amuiraa, e ua a'ohia mai te hoê mau a'oraa nehenehe roa.

Ua faaite mai te Peresideni Misioni i te mau ohipa apî o te feruriria nei, mai te mau fare haapiiraa apî, e ua faaitoitoo oia i te mau melo no te Ekalesia ia faatura e ia turu i te hau Farani, e ia faaineine te mau feia apî no te tauturu i te ohipa poro-raa evanelia. I te reira pô, ua faaterehia te hoê iritiraa mana'o na te taatoaraa, e ua rahi mau â te mau mana'o maitai tei faaroohia. I roto i tana amuiraa ra, ua faatoroahia o Polycarpe â Maheahea ei Peresibutero e ua faataahia oia ei tauturu hoê no te Amaa i Takapoto, e o Alfred Roo â Mahotu ei Peresideni Amaa no Takapoto, e o Moo â Moo ei Peresideni no te pûpû Haapiiraa Sabati, e o Temanua â Teahaga, ei Peresideni Amaa no Ahe, e o Takaro â Teahaga e tauturu hoê no Moo â Moo, e o Maina â Hutihuti ei melo no te aporaa misioni, Tuao â Teahaga orometua faaue. Ua tae mai o Paraita i Tahiti nei i te pô mahana piti.